

復社紀畧

復社紀略卷一

眉史曰自令甲以科目取人而制舉藝始重已士既重於其事咸思厚自濯磨以求副功令因共尊師取友互相砥礪多者數十人少者數人謂之文社此即以文會友以友輔仁之遺則也好修之士以是為學問之地馳騁之徒亦以是為功名之門所從來舊矣粵稽三吳自有文社以降最盛者莫如崑山顧文康公之邑社社友十一人後皆為明臣社規人受一目

目也難就者方奉常魏恭簡受之社刺盛行可謂彬彬者矣嗣後歸熙甫有為南北二社子午卯酉同日並舉一時文學之士霞布雲蒸若李康甫方思曾吳秀父今文步古文之脉實是鹿城始章皇帝初元有詔限字陳晉卿許公旦碩茂善改為短調王伯欽顧寶甫王幼文繼之後先增美後稍中哀王淑士張宗曉遂起其靡遺清堂稿出顧九疇為海內所宗次之則推豫章郝仲輿丘毛伯稱作家陳大士際泰費無學隱而為一時文雄吳門文文起姚孟長彙陳丘行卷

暨艾千子南英羅文止萬藻諸稿為一帙謂之江右奇文

繇此天下皆推豫章同時常州吳巒稱梁谿馬君

常世奇武林宋羽皇鳳翔並號文章宗匠遠近從遊者衆

已而撫州章大力世純以善曾南豐湯若士之學顯其

時月旦謂之陳艾章羅海內業制舉家魯延致之以

故千子與萊陽宋九青政大士與新安金正希聲文

止與麻城梅惠連塤大力與景陵譚服膺元同硯席

天下羨之如郭泰仙舟哲皇帝立大力舉于鄉墨

義出遐邇奉為法程迨甲子千子得雋而以策論訊

訛時政與兩主試同受罰天下不惟重其文兼重其
人于是司清議者改易其稱又謂之艾羅陳章云四
子之學各有短長大士優于時藝五經義能補箋註
所未備而拙于古文詞然其時藝即古文亦其具然
也章羅皆法晉魏而大力用意勝時失之俚文止搞
詞勝或流于靡西人相師而不能相通亦限于才耳
于子進取秦漢唐宋諸大家講開闔變化首尾起伏
之法卓絕一世獨于制藝斤斤格套不出前人窠臼
但以善于訓詁切于脈理選義出舉世群然師之異

越齊魯咸奉為質平的云

周介生諱鍾金沙望族 顯皇之世鍾祖於德登兩

榜為貴官伯應秋繼之以解頭聯策維持泰時踵發

一時推為三難鍾父詔紹詩困于諸生而有子四人長

銓字簡叔鎔字我李鉞字我仲即鍾讀書尺木居昆

弟相師友簡臣少魯而攻苦力學惟介生敏穎絕倫

負逸才角州時五車萬卷無留牘矣詩文纚纚萬言

有倚馬之目應秋子錄維持子鑣皆莫及也房選華

峰出好尚一新天下競稱之由是向日推豫章者相

率而推金沙美千子見文風之變也乃作書與介生
論文曰今日制藝一道賴兄主持真如日之中天萬
物皆睹頤盛衰倚伏之際識者憂之海內今日自稱
為豫章派者然乎否乎末流之弊雖于作者無訛然
使天下不論其功而追原其過則二三兄弟向來引
經據史扶進道術之苦心適為世詬厲耳夫文之通
經學古者必以秦漢之氣行六經語孟之理即降而
出入於歐韓蘇曾非出入數子也曰是數子者固秦
漢之嫡子嫡孫也今也不然詞為章者不知古文為

何物而獵弇州子鱗之古以為足不知此非古也六朝之浮艷而割裂補綴飾之以史漢之皮毛者也為制藝者不知古文為何物而襲大力大士輕俊詭異之語以為足不知此非古也晉魏之幽渺纖巧當世以為清談為玄慧者也最陋則造為一種似子非子似晉魏非晉魏鑿空杜撰之言沾沾然以為真大力大力矣弟舊歲於陳興公序稍一言之而同氣者頗相怪責不知弟終此道淺深甘苦備嘗之矣夫文之古者高也樸也疎也折也典也重也文之卑而為六

朝者輕也。渺也。詭也。俊也。巧也。排也。此宜有識者所共知矣。無怪兄矍然憂之。而有哀集先輩大家之舉也。雖然。願細酌之。弟杜門山居。兄于郵中以選目見示。互相參訂。必有不刊者。

丙寅夏。介生得書。以成弘諸選封緘相質。慶曆而後。仍任已意。間涉時趨。選本出千子。大不悅。復書致介生。曰。弟前書中大約言今之效法豫章者。不得其渾古高樸。師法六經。秦漢者何在。而僅披拾一二輔嗣子玄。幽渺詭儼之談。相與雕琢糝糊。甚至學繁露者。

竟以杜撰為繁露郭註者竟以杜撰為郭註而先
秦西漢高古澹折之氣亡矣使人寬大士大力為晉
魏抄手猶可言也使人置六經秦漢不道而降為六
朝之卑弱纖佞軟靡巧麗之文向時歐韓大家所棄
擲不屑而力排之者今反奉為蓍蔡又見之制舉策
則文氣之卑乃自吾輩始矣承諭風氣之遷有極有
漸極者勢之所畏而漸者機之所當預防兄以為今
日猶漸而未極乎向者學我而屹尚在草澤今皆在
三百進賢冠矣取真祖之形而傳之日傳一紙十夫

其五日傳十終非復我祖矣。皇祖之形如故也。非吾祖而以為祖子孫之罪也。不罪其子孫而特罪其祖。有甘受獄者乎。承諭經翼一選宜早行之。弟亦有文定文待二選。蓋弟選意在存一代之文。使人得見藝中先後升降之變。兄以經翼題篇宜簡而該。義在存經不在備選也。弟又手訂秦漢以來至元文為歷代詩文選。又訂國朝諸公為皇明古文定矣。弟平日謂古文一道。今時士子半為時集所昧。封閉塵腐。無出頭之日。雖日告之以先王仁義禮樂之旨。無奈其

虛氣所至不能復知妍媸之所在千古文章獨一史
遷史遷而後千有餘年能存史遷之神者獨一歐公
歐公之文耳提面命之人不知也況欲其徧讀古人
之書而知好乎弟子歷代詩文及皇明古文定外又
有文勦文妖文腐文寃文戲五書以為正告人以古
文人不知能取文之無當者告之則人知避矣人人
知避必發憤讀書然後知古人高深誠拙之所在不
復為浮華補綴無根本之言矣文勦者左國史漢為
人生吞活剝不顧美之所安往往出自大老稍舉一

二太史公曰予登箕山其上蓋有許由冢云蓋相去
千年疑其人之有無也每見空同鳳洲為人作誌銘
輒曰蓋聞嘉靖年間有某老先生云此亦豈千年後
疑詞耶先漢兵農婚喪大費皆取給馮翊扶風京兆
今朝廷大事戶工兩部實為之於大興宛平無與也
輒曰無以佐縣官之急可乎不可乎我朝一代官名
一部郡縣為數公改換後世幾不知順天應天知府
知縣矣此文勒也而太倉歷下之文為多文蔚則古
之客難解嘲七發七啓之類而今時尤衆京山李本

寧為人作詩序就其人姓氏起首使作我姓父人詩
序必當筆竄矣凡此真文腐也文好則以楊子太玄
為首而近日如文翔鳳所作古文詞及他同類者附
之與夫毀謗孔孟之人皆在焉文寬則諸家墓誌蓋
美飾非顛倒朝政相為賢不肖之論也以文為戲坡
公不免作俑而袁中郎為甚今皆類成一部五種出
而後天下知古文矣恨不與兄面商也介生得書以
為過於夸汰嗣是以後江左聲氣稍與江右別而介
生所評鴈古今文藝亦不復與千子參訂歲乙丑介

生所選房書清夏出所尚者百家子書為多舉世復
翕然稱之千子乃復與介生書曰讀尊選可謂璀璨
奪目然弟則謂此道老手深文自有不動聲色不煩
斧鑿而成者若有意填古則其出入子史適足証其
空疎何也與題不相肖一也首尾氣脈不能渾成雖
借資一二古人然一篇之中謀以俚鄙湊以杜撰軟
語稱調本質俱露二也不知遠師秦漢而僅累託晉
魏不為經史之磅礴而為子書之詭俊三也夫時文
本以傳聖賢之神一題入手佳思滿紙細細按之大

半旁支蓋有終日兀坐而無一句可留者矣及其衡
文亦復如是今日几上之選明日讀之便有可議即
有古語精思能奪一時之目而細勘神理於聖賢立
言之肯不能相肖如是按之一科不數人一人不數
首昔人云子長之病病在好奇得非兄今日之謂乎
弟謂此後宜精挾而嚴汰之芻蕘之言似可採焉介
生發書謂兄簡臣曰鄙儒不知時變嗣後亦不復通
問矣先是貴池吳次尾應與吳門徐君和鳴合七郡
十三子之文為匡湖行世已久至是共推金沙主盟

介生乃益拓而廣之上江之徽寧池太以及淮揚廬
鳳與越之寧紹金衢諸名士咸以文郵致皆受成事
介生因名其社曰應社與萊陽宋氏候城方氏楚黃
梅氏遙相應和于是應社之名聞于天下

張漣字天如號西銘太倉人父太學生翼之兄輔之
以兩榜由兵垣歷官大司空翼之子十人漣以婢出
不為宗黨上下所重輔之家人遇之尤無禮嘗造事
傾陷翼之漣洒血書壁曰不報仇奴非人子也奴聞
而笑曰榻蒲屨兒何能為漣飲詆乃刻苦讀書無分

晝夜寒暑雪夜已就寢復興露頂坐向曉目病與
時三吳盛文社人人自炫溥一不省之而獨與張采
訂交

張采字受先號南郭居邑之南郊故以自號以善戴
氏學有聲譽序溥延為館賓讀書七錄齋時婁文畢
靡兩人有志振起之溥矯枉過直^正取法劉幾樊宗師
歲試乃躋聞周介生倡教金沙負笈造謁三人一見
相得甚歡若故舊辨難五晝夜訂盟乃別溥歸盡棄
平昔所學更尚經史試乃冠軍溥口訥言若不出口

而矜重名義采尚節槩言論丰采目光射人兩人相
砥濯自厲時魏璫敗鹿城顧秉謙為邑人所逐避處
婁中溥采鼓諸士驅之檄文膾炙人口郡中五人之
墓成溥乃為誌鐫石由是天下知天如受先咸重此
兩人始周介生定應社社目時三吳名輩若茂苑楊
維斗廷樞徐九一所常郡蔣楚珍鳴玉荊石允良虞山楊
子常彞碩麟士夢吳江吳茂申有涯吳來之昌時松郡夏
彞仲允陳臥子龍子及閩中陳道堂綸元蔣八公德咸在
列而獨以凡例屬天如手定一時咸謂兩人相信蓋

在語言文字之外別有契合也歲丁卯受先九一與
介生之弟鑣皆鄉舉而羅文止蔣八公各舉于其鄉
其明年戊辰溥以覃恩選貢入京受先聯第第三九
一公八皆告捷江西黎左嚴寬已冠礼闈為主試抑
置第二皆社中才傑也溥廷對高等諸貢士入太學
者俱願交懽溥爭識顏面溥因集諸多士為成均大
會是時字內名卿碩儒前為崔魏摧折投荒削逐者
崇禎新政後先起廢任用聞知溥名皆願折節交懽
驪壇文酒筵筐車騎日不服給溥由是名滿京都已

而德璟授官編修河考館為庶吉士元寬授禮部主
政鑣授南禮采授江西臨川縣知縣采初以同鄉先
達推擇期得館選而以不時赴閣行揖失之及尹臨
邑轉對為愉曰人臣致身何官不可效吾今入文學
禮義之鄉得挹羅一峰東郭守益之高風得與聞良知
宗旨相與切磨道學也遂與溥歸偕同志揚扆社事
而後赴任由是海內同人翕然共宗天如不啻戊己
之趨豫章辛壬之趨金沙也艾千子時客齊東聞之
乘遽往吳門約同介生與天如參証文體衡定是非

欲西挫之而獨伸其說時陳卧子尚號人中才氣方
盛首與之爭辨扁舟逆之吳門各持所是語不令日
晷移影乃退卧子復手書詰難稱詞宗旨崇重鳳洲
空同千子持其瑕而折之曰向在淩江舟中見足下
談古文輒詆毀歐曾諸大家而守一李于鱗王元美
以為足即評薦他文亦未嘗蓋足下未嘗讀古人書
故欲足下讀書十年學漸克心漸細而後可也及足
下行後友人持足下所作惜心賦至如此文乃昭明
文選中之卑腐者歐曾大家力排之者足下斤斤師

法之無怪乎侈口罵歐曾罵宋景濂罵震川荆川也

霍

使者至得足下書大旨謂宋文最近不足法當求之
古其究竟則歸重王李二人耳何足下所志甚大而
所師甚卑也足下謂宋之大家未能超津筏而上又
謂歐曾蘇王而上有左氏司馬氏不當舍本而求末
夫足下不為左氏司馬氏則已若真為左氏司馬氏
則舍歐曾諸大家何由夫秦漢去今遠矣其名物器
數職官地里方言里俗皆與今殊存其文以見于吾
文獨能存其神氣耳後秦漢之神氣而御之者舍歐

韓亦何所由乎譬言之山然秦漢則蓬萊絕島也去今
既遠猶之大海隔之也則必借舟楫焉而能後至夫
歐韓者吾人之文所由以至于秦漢之舟楫也由歐
韓而能至于秦漢者無他歐韓得其神氣而御之耳
若僅取其名物器數職官方言地理里俗而沾沾然
自以為秦漢則足下之極賞于王季者耳不佞方由
歐韓以師法秦漢足下乃謂不當舍秦漢而求歐韓
不佞方以得秦漢之神氣者尊歐韓而足下乃以窮
秦漢之字句者尊王季不亦左乎足下曰舍舟不登

而取舟中一艦一舫濡裳而泳之曰吾不藉津筏而舟楫也不可也以為藉歐韓而至史漢猶之一艦一舫也是不然我既得其神而御之矣何津筏之有昌黎摹史遷尚有形跡足下試取歐陽公碑誌及五代史論贊讀之其于太史公益得其神于短長肥瘠之外矣猶謂之不能渡乎若乃竊史漢之句字自以為史漢在是矣是今之王素乃足下所謂一艦一舫舟中之一物耳足下又曰宋文好新而法亡好易而失雅夫文之法最嚴嚴孰有過于韓曾蘇王者荆川有

政及大小雅頌等書當時何不併作彖文辭體盡取
初六初九潛龍牝馬之說入之耶足下又謂禮經最
條達出自漢人以為文之高者必難早者必易時代
遠者必難近者必易之証如此則奚必漢儒禮經也
孔子孟子可謂條達矣孟子姑不論至于孔子得毋
以條達故遂為論語病耶抑足下生平不悅宋儒遂
併孔子論語視同宋儒語錄不復論其文耶抑可謂
孔子春秋時故其文遂不及易經不及詩書耶且孔
子與左丘明同為春秋人而論語條達不同左傳

何也又不同後之公羊穀梁何也且無論論語易經
上下繫傳皆出孔子其語皆條達不似文周象文則
足下亦抹去孔子繫傳辭不入易經獨存周象文辭
耶文各有時代唐宋之不肯襲秦漢猶孔子之論語
不為易詩書也如此論文當必以楊雄之太玄唐樊
宗師宋劉幾之文為最美無怪質質然無所之也足
下又謂唐後乎漢故唐文不及漢宋後乎唐故宋文
不及唐如此則我明便當不及宋何以有陳人中又
何以有人中嗚然嗚所尊奉之王李耶宋之詩誠不

如唐若宋之文則唐人未及也唐止一韓柳宋自歐
曾蘇王而外如貢父原父師道少游補之同甫文潛
少蘊諸君子皆卓卓名家願足下閉戶十年購盡宋
人書讀之然後議宋未晚也足下又痛詆昭代之推
宋人者如荆川震川道嚳三君子嗟乎古文至嘉隆
間壞亂極矣三君子當其時天下之言不歸李則歸
王而三君子寂寞著書受其詆訕不少易志古文一
綫得留天壤使後輩尚知讀書者三君子之力也其
文縱不能及歐韓乃遂不如王李耶且足下于三君

子中稍知遵巖謂其少師秦漢此言亦謬蓋遵巖少
時嘗襲秦漢句字長而悔之乃更作古文其少作今
無一字在集中矣足下何從見之遵巖以其少作為
臭腐而足下追嘆之然則足下乳臭時乃勝足下今
日耶至于宋景濂佐太祖高皇帝定制度修前史
當時大文字多出其手國朝文章大家自當首推其
文以應制故不甚暢間有一二應酬出門人者或亦
有之要師摹歐曾不可誣也足下試取其序記傳讀
之可及乎不可及乎景濂雖未盡我明之長自今論

之未見有勝景瀛者而足下詆之何也震川集願足
下遲遲其論足下學至震川文至震川駁之未晚貴
鄉有婁子柔陳仲醇兩人雖未得歐韓之深然皆能
言其本末足下宜贅請為師得其一言晝夜思之思
無越畔然後十年讀書與不佞論文未為晚也

卧子得書素甚復作報言彞仲惧其傷雅手疏千子
言兩人之書不必外傳以滋物論千子復言古人在
復辨論之書有兩是而可俱存者如朱子與陸子靜
之無極太極于陳同甫之王霸柳子於劉禹錫之天

問是也有兩非而不足存則近日何李之文是也兄
以今日弟與人中兩是耶兩非耶弟讀書三十年中
間悞而悔悔而又悔然後乃得古人正路而由之由
之而患其不能如古人者如一日也人中乃欲尊奉
一部昭明文選一部鳳洲滄溟集持此與弟爭短長
又欲盡抹宋人即歐曾大家不能免亦大謬矣兄不
督責之乃欲處我與人中兩全之地又矜負人中若
與弟對壘然則者兄之罪亦不少矣大約古文一道
自史記後東漢人敗之六朝人大敗之至韓柳而復

振至歐曾蘇生而大振其不能盡如史記者勢也然
文至宋而法嚴至宋而本末源流遂能與聖賢合元
與國初有振有不振至嘉隆之王李而大敗得震川
荆川遵巖三君子救之而稍振此確論也願人中細
思之若夫時文第十一月至杭閱房書六七千首日
欲慟哭蓋近日濫惡腐穢餽飭勦襲之文皆依附豫
章豫章之可恥何至如此推其由周介生之罪過不
小弟言之介生天如必不受且以同室操戈責弟若
兄言之兩兄必見信幸一救正之

外黃曰目文姚集江右奇文行世而天下始宗豫章
壬戌以後金沙起遂與並分衡文之廣久之介生才
名彌盛駸駸欲駕豫章而上之千子作書與介生論
文有所軒輊皆持之有故非本志也然原本先秦依
擬史漢閎發唐宋諸大家使古文正脉不為辭章所
掩誠篤論也 烈皇帝初元張笑如晚出才各更駕
金沙而上之天下號曰兩張後曰周張豫章聲價為
之稍減千子乃躬造吳婁與諸家辯難欲以口舌楮
墨折之使下乃文風士氣日趨于新又三吳才雋多

予雄自是莫肯相下至千子與彞仲書罪歸金沙遂
群起咻之蓋制藝本名時文時者與世運相沿而變
易無常者也諺曰鷄嘴尖鳬嘴扁言揣摩方就而風
氣已移也士人伎倆須抄出風氣之先乃能夙售故
咸趨新競異而不肯蹈常襲故似有陰驅潛率莫知
其然而然者亦勢之無可如何者也司文衡者第禁
其末流防其偽濫足矣若矯枉過正則有甚難行者
吾明文運凡四嬗譬之洪水太古也成弘則中古矣
慶曆殆三代文明之治也降而啓禎則閹統偏霸而

莫相統一矣。處莫相統一之世而求返三代之風已不可得。況可進之而中古更進之而上古乎。持千子之說原千子之意。其必慶曆之不足而欲成弘之且直欲洪永之也。而後乃為合也。屏黜文章而與練帛疏布有違。休者乎。却琴瑟鐘鼓而為拊石擊缶有傾耳者乎。奪尚羞法醞而易太羹玄酒有適口者乎。達以成其背馳而已矣。自癸甲已後。鄉會墨卷惟尚時趨始得。售取法先民者百不一遇焉。則其說且自廢矣。故千子之論文談古則重于鼎鐘衡今則輕于管

設也江右之俗交際禮儀以醕雞為飾故海內目江
西人為雞吳人華方雷渚作醢雞賦刺之其文甚傳
士紳間然語涉詆諆不足存也歲戊辰諸家房選出
若馬君常宋羽皇吳繼樺項仲展荆石兄輩各有選
本千子皆無譏焉而獨取天如所選表經詆毀之其
房書刪定序曰今世業制舉業家所據以為名者曰
經也史也子也是三者西漢以後立言之士莫不由
之何獨於余而疑之而有不然者史自左丘明遷固
止矣然其職官歟族戰攻治亂之跡與舉業之文既

不相入至於風度格韻馳驟跌宕變化離合之微非
得其神者又無由而至故為盜于舉業者遍天下而
卒未有入左丘明司馬遷之室者力不能也獨諸子
之言浩渺寬博以無所附麗為長則文之誨盜者無
如是盡然在當時已有黃老農墨刑名縱橫九家之
異其大旨既悖謬于聖賢學者未能改正古文則雖
晉魏隋周依託周秦諸子之目以自見而亦為其所
欺甚則以劇秦美新之楊雄而群然尸祝之習其書
效其辭比于周孔作韓非魑魅魍魎之言盈天下甚矣其不

學也若夫目不識諸子而剽襲人言者即以是人為
諸子及其不足則雕飾偽辭以代之其冒濫如是固
不足怪於是有點者出而悔之于史不能于子不可
又逃而曰尊經夫尊經之名立而天下之奉之者庶
乎有詞矣雖然亦有以古之為經者告之乎古之為
經者曰本之書以求其質本之詩以求其恒本之礼
以求其宜本之春秋以求其斷本之易以求其動未
聞必襲襲若稽古而後為書乾坤九六而後為易也
且夫聖人之言各有所為而發盖有前後不相襲者

美今必贊經語以就題復強吾意以就經麻况夫專
經而不能通其解業一經而誤用其四若是而號于
人曰尊經吾恐先聖有知必以為穢而吐之矣嗚呼
今日制舉之弊已至於此一人唱之人人和之遂至
臭腐而不可讀吾以為此皆空疎不學之過也富人
鏹萬鎰減獲萬計無所不有而若一無所有三家之
邨稍稍溫飽得一金而張皇色動又有窶人丐夫焉
飢寒迫之不得已而為盜為大盜則剽富人之藏不
能為大盜則取大盜之所剽而負販之遇水旱凶荒

則三家之溫飽者且將為妾人丐夫矣而妾人之為
大小盜者執而歸司敗又將入于刑焉今之為文何
以異此使其讀古人書得其本末源流無所不有而
又若一無所有何至得一金而色喜與夫剽富人之
藏又從大盜而為之負販哉救斯病也莫若以今日
之文救今日之為文者此我所以不得已而再有房
選刪定之役也而于其中有不欲存焉者嗚呼與我
選者其見非天下既得而見之矣不與我選者天下
尚未得而見也今日制舉之病可勝道哉己巳仲春

望日書

天如貽書受先曰閔父千子房選顯肆攻擊大可駭
異吾輩何負于豫章而竟為反戈之舉言之痛心兄
見之須面責問其故艾為人貪利無恥出其本性又
在武林最久中間構譽者不少且往來俱銅臭之子
不識一字之流固宜與名教悖戾也弟新不能嘿無
一言特以聞之老兄可與大士大力文止講明弟與
介生止恃兄在臨川豫章之交自固不患一人之跳
梁生事也惟早圖之弟意如此之人斷不容其稍有

出頭須作一字與九青先斷其根可也吳江吳來之
時亦致書受先曰天如介生負海內重望為我黨尊
師與兄主盟周旋者非一日矣而貴治子民有心懷
反側倡議翻局希建奇功遂至指介生為罪人目天
如為黠惡者而兄當之可付不校吾輩聞之恥辱莫
甚于斯且其言論狂妄視我應社皆目不識丁愚陋
如弟宜受之矣如吾兄何如同社諸兄弟何人非至
愚必能別白邪正而一種未附聲氣與夫外附而中
懷觀望者咸竊其說以為談資如吾鄉之金五貞豈

非門牆一大患哉吾兄肩

左

提右挈之任為宗盟首

今日之事一人之事也即同社有主包容之說亦有
主力攻之說弟愚意則以為有攻無容吾黨門牆之
峻已非一日往年卓生小叛亦攻之至於盡近日元
祐隱犯衆共擯之使叛逆如千子竟以容之一字置
之則是小敵勇大敵怯矣且人以我為大盜為妾人
丐夫為司敗之刑人不修一矢以加之何以為今於
四方又吾黨素為名教主乃有毀周孔而不能問毀
我明先賢而不能問何以為名教主哉弟不揣謬陳

疎妄於長者之前伏祈深結豫章之在聲氣者獨擯
此叛道負友之小人使鄉黨棄之天下公憤之則鬼
魅之術立破矣受先得書手疏婉規千子言江右江
左並為人文淵藪在豫章向操海內衡文之柄近時
介生天如泰執牛耳然皆聲氣相倚亦未有不尊奉
豫章者也宜共遵尊經篤古之約力追大雅以挽頽
靡幸勿自開異同為世口實千子答書乃曰吾輩聲
價非謗者壞之乃尊奉者壞之也譬有人焉遇周孔
而知敬及遇盜跖亦以為周孔則周孔何地可以自

容此不特大士大力文止諸兄學問淵源嘗為評其

品地不可向鹽醋鹽醋紅中物同類而並稱之老父母甘

之乎不肖脩極苦心獨救正一人正為諸兄地步併

為老父母地步也其詞堅辟人言不能入未四幾家

摘謬出其批抹豫章即詆訾金沙吳下受先知不能

合始以天如來之書示羅陳章而特函告之萊陽氏

宋氏家有答書秘甚人莫得窺于是三吳社長傳單各

邑共絕之某月日偵千子臨吳謬約之而面相叅証

會于婁之弇山園語不合陳卧子及周介生之幼弟

周我容共拱之千子即夜去由是社集取其名削之
金沙婁東合詞布告同志云

是歲吳江令楚人熊魚山先生諱開元以文章經術
為治知今下士慕天如名迎至邑館巨室吳氏沈氏
諸弟子俱從之授學天如於是為尹山大會茗雪之
間諸名彥畢至未幾臭味翕集遠自楚之蘄黃豫之
梁溪上江之宣城寧國浙東之山陰四明輪蹄日至
比年而後秦晉閩廣多有以文郵致者是時江北匡
社中州端社松江幾社萊陽邑社浙東超社浙西莊

社黃州質社與江南應社各分壇坵莫相統一天如
乃合諸社為一而為之立規條定程課曰自世教衰
士子不通經術但剽耳僧目幾俸弋獲於有司登明
堂不能致君長郡邑不知澤民人材日下吏治日偷
皆由於此溥不度德不量力期與庶方多士共興復
古學將使異日者務為有用因名曰復社又申盟詞
曰毋從非彝毋讀非聖書毋違老成人毋矜己長毋
形彼短毋巧言亂政毋干進辱身嗣今以往犯者小
用諫大則擯勿與約既布天下皆遵而守之又於各

郡邑中推擇一人為長司糾彈要約往來傳致天如
於是裒十五國之文而詮次之目其集曰國表受先
作叙冠弁首集中詳列姓氏以示門牆之峻分註郡
邑以見聲氣之廣云社目云是社始於七郡故原本
先列七郡首姑蘇

太倉州

張 溥 趙自新 王家穎 張 誼

顧夢麟 管士琬 王瑞國 張達孝

何南春 吳偉業 孫以敬 胡周鼎

蔡仲 張濬 張王治 周羣

張源 王啓榮

吳縣

楊廷樞 徐鳴時 錢禧 朱鎰

袁良弼 章美 朱袞 丘民瞻

許元弼 許元愷 周茂蘭 朱隗

長洲縣

許元溥 顧企宗 劉曙 華渚

沈明掄 王宗 戴之傑 陳性

續修四庫全書 史部 雜史類

管正傳 錢位坤 葉襄 薛宗庶

戴之俊 盧涇材 徐 勳 張 邕

吳江

吳有涯 吳昌時 沈初馨 呂雲孚

吳 翺 沈自炳 張 澤 吳昌迪

張 堯 吳晉錫 周 燦 孫紹奎

吳 翺 龐承源 孫聚奎

常熟

楊 彞 許士驥 蔣 棻 許重熙

趙士春

王曰俞

許 瑤

祝謙吉

顧琅先

祝升吉

祝泰吉

朱 鑣

崑山

許 渠

王志慶

陸世鑒

王志長

陳言先

顧繼紳

顏晉瓚

曹開遠

婦奉世

陸嘉胤

嘉定

朱之尚

曹 訥

侯岐曾

徐自勉

陶士彥

沈宏祖

陳舒徵

汪貞泰

松江府

夏允彞 朱 灝 徐方廣 周室勲

周希文 陶履樞 徐鳳彩 夏 昂

張壽孫

華亭

周立勲 徐孚遠 彭 賓 俞廷謨

碩開雍 盛慶遠 徐 煒 徐桓鑒

徐致遠 徐績若 周季勲 吳 忻

盛仲輝 趙 俠

上海

潘桓

馬元調

宋存標

朱在鎬

潘釗奇

范鑒弘

潘堯納

王元玄

青浦

陳子龍

宋存楠

杜麟徵

趙侗如

李雯

金山衛

盛翼進

杜麒徵

姜爾珠

宋與琦

陳秉教

常州府武進

韓鍾勲

劉憲章

邰嘉穀

徐法

徐洽

碩濬生

江陰

黃毓祺

徐時進

徐遵湯

袁珍

宜興

徐懋賢

鎮江府

周銓

王重

談兆龍

賀瑜珍

賀王醇

丹徒

錢邦芑

潘一桂

劉夢震

陳謙陽

張美中

孫時傑

金壇

周鍾

周鎔

周鉞

周鎔

張明弼

史弘謨

高遇

劉國欽

王士鏞

周欽

蔣鳴玉

蔣煥

周而沛

丹陽

荆艮

荆廷實

荆廷璧

賀儒珍

盛順

賀崇

賀燕徵

徽州府

程允晉

江知默

朱泰陽

江調鼎

江靜

吳承中

寧國府宣城

沈壽民

沈壽國

徐貞乙

孫文煌

梅頤中

涇縣

萬應隆 趙初沆 王 徽 萬 祺

太平府

邵 錦 邵 鑽 邵 晃 邵 鑑

池州府貴池

劉 城 詹 政 吳應箕 劉廷鑾

青陽

吳 鍾 孫象壯 吳中英 吳 介

孫象震 姜 寅 張國牧

蕪湖

沈士柱

安慶

蔣臣

趙相如

范世鑑

潘映婁

左毅

方啓曾

江之水

吳過

淮安

夏曰瑚

白受藻

鹽城

張樹屏

安東

王啓運

劉符赤

齊日盛

蘇國美

桃源

王立身

宿遷

陸奮飛

姚禹命

陸奮武

揚州府江都

鄭元勳

李元介

碩問

李樞

呂尚綱

梁於溪

湯允中

高郵

楊先春

興化

許同說

解

說

王元士

寶應

成明義

成明善

徐州

萬壽祺

廬州府合肥

程以懋

程以德

舒城

郭士豪

浙江杭州

張玄

虞宗瑤

鄭瑣

沈受震

徐邦佐

錢可

聞啓祥

錢塘

陸運昌

吳思穆

吳太冲

馮延年

趙德遴

陸鳴奎

陸鳴時

俞時篤

蔣庸嚴季榮魏介

仁和

沈澹思林泰業孟應春卓人月

陳濬徐翺卓霜回潘曾綬

海寧

徐元聚徐永平

餘杭

碩有棐

嘉興

孫 淳

陳 恂

徐彬臣

趙汝璧

項聲國

張次柳

孫 振

蔣 芬

金惟恭

程定國

沈嗣選

鐵嘉徵

陳 恪

馬玄錫

譚貞良

葉 燦

孫耀祖

沈嗣徵

徐 白

張宗一

秀水

常 晏

朱茂暉

包鴻達

卜 升

吳 翔

錢 昌

謝 澗

朱茂場

徐天俊

周禹錫

嘉善

錢

梅

錢繼章

錢

茶

魏學濂

呂三錫

顧潛

戈用忠

支如增

郁素

夏緇

魏學洙

蔣時

錢繼振

錢繼禧

錢格

陳舒

劉芳

呂禹

趙韓

徐鴻祚

陸文機

過銘簋

陸上瀾

屠象美

施洪烈

海鹽

張奇齡
蔡士奎
陳梁
張瞻韓

朱學章
馮景裕

桐鄉

盛涑
朱萬錡
盛方涵
朱萬欽

盛濟

湖州

嚴啓隆
沈中台
閔正中
韓昌箕

盧肇堦
潘基依
章平
嚴或

沈鍾兆

歸安

沈緒奎

李令哲

陸熙運

丘志昆

陳騶

沈緒來

韓曾駒

章上泰

閔自寅

沈維顯

閔元京

鍾鏡如

吳振鯤

尹衡

尹任

凌爾翰

凌森美

烏程

溫以介

姚延啟

黎樹聲

錢瀛選

沈禧

潘基慶

韓千秋

韓奕祖

錢

鶴

顧

翰

嚴

永寧

嚴

耕

費

景琬

沈

光胤

陶

鑄

沈

紡

嚴

忠鏐

沈

榮

德清

章美瑾

章美瑾

武康

駱弘珪

卓漢西

安吉

潘基祉

潘基初

沈建吳

寧波

董守諭

陸符

錢玄錫

費而隱

馮湄

紹興

李宗銘

章重

徐騰

余增

孟稱堯

孟稱舜

趙之蘭

吳應芬

金鐔

袁師孔

吳維修

顏綸揆

金華

傅巖

葉幹

倪仁禎

衢州

翁祚 徐泰徵

江西南昌府

劉斯陞 萬時華 余正垣 仇鏞

黃維藩 束崇熹 黃國鎬 羅高俶

徐元朗 楊昌 章士鴻 楊耆

易道泰 喻周 喻士錦 熊文舉

吳奇杰 吳廷獻 劉斯陸

新建

陳弘緒 鄧履右 萬曰佳 徐世溥

甘元鼎 李奇 萬搏 舒忠諫

姜之祥

徐世清

陳弘綸

徐應芬

進賢

李光倬

陳維謙

朱徽

饒有政

陳維恭

熊人霖

饒有致

陶文疇

朱健

豐城

胡學浹

撫州臨川

陳際泰

羅萬藻

章世純

曾亨應

章世謙

傅占衡

湯大耆

湯開遠

王秉乾

章宏岳

丘而旭

揭重熙

謝賓王

游為光

舒嘉桂

湯開先

陳士鳳

謝廷簡

曾拭

丘而昶

吳程

陳才奇

曾益

劉鍾秀

陳士驥

謝應宸

李上

封誥

鄒光曙

游為龍

建昌府南城

吳兆

俞一經

丘時憲

吳觀之

鄭之玄 姚光遠

新城

張之奇 曾汝亨 黃之香 江世祥

江士望

廣昌

何三省 揭希朋 劉大年 劉大華

劉大常 劉大千

南豐

曾升

廣信府上饒

徐自定

鄭仲燮

徐自寧

玉山

董思玉

弋陽

李調鼎

鉛山

費兆甲

費映環

吉安府太和

曾文饒

劉捷

龍起弘

楊嘉珩

楊學原

蕭令申

郭承瑚

曾世冲

蕭秉鎮

梁天爵

康穀

廬陵

趙爾圻

黃震象

吉水

劉同升

李陳玉

劉孟欽

安福

傅昂臣

伍以竑

永新

賀詒孫

饒州

羅伏龍

袁州

易嗣重

瑞州府新昌

李之凝

漆嘉祉

黃國琦

贛州府寧都

楊文彬 楊文彩

福建福州

陳肇曾 陳元綸 陳燕翼 周之夔

董養河 曾異撰 陳世濬 周恂

鄧壽 陳奎輝 韓廷錫 張利民

董謙吉 許豸 卓震 齊莊

林昕 陳知章 林兆清 張綸

邵景文 葉有祿 曾人翰 陳金鉉

林逢經 莫爾佳 陳兆相 林正立

李時成

泉州

顏茂猷

興化

曾世衮

徐胤鉉

翁

顯

林尊賓

周言

黃夢吉

延平

羅明祖

甯永齡

汀州

裴養清 李世熊

湖廣武昌府

劉敷仁 戴 壘 孟 登 陳 沂

游明哲 李楚生 劉日襄 張仲庶

蔡 仕

嘉魚

任弘震 任喬年 熊升元

漢陽

謝諄培 謝正培 易蓮暹 龍 墳

易道三
程性學
易為瑞
易為鼎

易為瑚
易為連
瞿然
朱荃宰

劉文運
胡世忠
胡有牧
何履順

何履吉

蘄水

黃正色
馮雲路
金甌
官撫邦

官撫極
官撫辰

麻城

梅之頃
王都俞
楊魯
劉侗

李春江 周應華 劉輝 曹之棟

耿應衡 周邦炳

黃安

耿如志亦志 耿如思

蘄州

張宿 丘之宗

荊州府江陵

徐養心 王南國

公安

袁祈年

石首

劉長慶
夏雲鼎

襄陽

歐陽化

承天府景陵

譚元春
譚元禮
譚元方
趙家棟

京山

王偶宜

德安府孝感

辛昂

常德府桃源

關士琦

岳州府華容

張斯搏 黎志陞

廣東廣州諸邑

黃聖年

黃年

蔡承瑚

吳道坤

王學

黎遂球

梁志勤

鍾新

陳子賁

陳象明 麥克勤 林佳相 莊珩

陳衍虞 韓如璜

河南開封諸邑

陳東一 曹 曹心明 吳從周 蔡琮

賈開宗 張光世 張正誼 鄭觀光

山東萊陽諸邑

宋繼澄 宋理 左懋泰 趙士驥

宋琮 孫 孫鳳毛 宋璜 宋瑤

宋瑚 左懋第 趙爾汲 姜瀾

宋 瑾 楊維禎 左良輔 任夢麟

楊 曇 楊 景

新城

王興燮 王 袞

山西太原府

韓 霖 韓 伯 因二鄉 陶世徵

四川成都諸邑

張 尚 韋 鉉 莊祖誼

陝西

田而腴

貴州

楊文驄

外黃曰按目計之七百餘人從來社籍未有若是之
衆者計文共二千五百餘首從來社藝亦未有如是
之盛者嗣後名魁^中多出其中藝文俱斐然可觀業經
生家莫不尚之金閭書賈由之致富云

崇禎三年歲庚午鄉試諸賓興者咸集天如又為金
陵大會是科主裁為江右姜居之廣榜發解元為楊

廷樞而張漣吳偉業皆魁選陳子龍吳昌時俱入醵
陳際泰夏曰瑚亦舉於其鄉其他同盟列薦者數十
餘人明年辛未會試偉業中會元漣與曰瑚又聯第
江西楊以任武進馬世奇成德長洲管正傳閔福周
之燮粵東劉士斗並中式主試為宜興周延儒首輔
也舊例會場主裁元老以閣務為重應屬次輔溫休
仁典閣乃延儒以越例得之大非休仁意是以會元
幾掛吏議五蓋延儒諸生時游學四方曾過娄與偉業
之父吳琨相善而偉業本房師乃南昌李明睿明睿

昔年亦游吳館於邑紳大司馬王在晉家曾與琨同
事是科延儒欲收羅名宿密囑諸分房於呈卷前取
中式封號竊相啓視明睿卷額即偉業也時姜紳李
繼貞以職方郎分較易五房謂延儒曰此吳禹王之
子也少年聯第未娶與元老釋褐畧同延儒額之明
睿知為舊交子亦喜悅取卷懷之填榜時至末而後
出以壓奏偉業由此得冠多士烏程之黨薛國觀洩
其事於朝御史袁鯨將具疏叅論延儒因以會元卷
進呈御覽烈皇帝親閱之手批正大博雅足式詭靡

八字而後人言始息此溫周相軋之第一事也故事
新進士刻稿皆房師作序謂之本房鑒定是時天如
名噪甚會元稿竟以天如先生鑒出定名非制也明睿
於是大怒欲削偉業門人籍同館徐沂率偉業負過
弗釋曰委罪書肆執送五城懲示以解當是時明睿
所爭者体例非讐溥也而溥大不悅兩人自此遂相
隙及殿試鼎元陳於泰乃延儒之姍也榜眼即偉業
採花為夏曰瑚溥欲得館選即丐偉業請之延儒是
時延儒尚不識天如則偉業曰用何幣相酬偉業曰

為師請耳不計幣也延儒曰師不同有贊拜之師有
受業之師偉業欲濟事遂曰是受業延儒因許之溥
由此得為庶吉士翰林規制庶常居造就之列選館
長如嚴師見先達稱晚進公會隅坐有命唯諾惟謹
溥行在意臨事輒相可否有代天言作誥命者文稿信
口甲乙同館見者多以為汰皆患之有白之內閣者
延儒猶委蛇為解休仁則曰是何足患庶士有教讀
旧例成材則留不成材去之之法亦何難去之休仁
為人素鎮密言不輕出而于溥若易視之蓋未習溥

之生平也溥聞之恚甚乃緝其通內結黨援引同鄉
諸事繕成疏稿授偉業使出名奏之偉業立朝未久
於朝局未練習中情怯不之應是時休仁之黨主持
門戶操握線索者德清蔡奕琛為最偉業難於拒師
命乃取泰休仁疏增損之改坐奕琛疏上休仁大怒
將欲有所處分延儒從中曲解之休仁奕琛由此側
目溥明睿又以刻稿事啣之時時督過溥不自安壬
申某月告請葬親給假歸

初會場報至姜偉業以溥門人聯第會元鼎甲欽賜

歸娶天下榮之遠近謂士子出天如門者必速售大
江南北群相爭傳以為然以溥尚在京師不及親炙
相率過來造庭陳幣南向設位四叩定師弟禮謂之
遙拜况掌籍者登名社錄人人得意而去比溥告假
歸途中鷁首所至挾策者無虛日及抵里四遠學徒
群聚萃止癸酉春溥約集社長為虎丘大會先數月
前傳單四出期會約結至日山左江右晉楚閩浙以
舟車至者數千餘人大雄寶殿不能容生公臺千人
石鱗次布席皆滿典庖司醢葷載澤量往來綠纖游

人聚觀無不詫歎以為三百年來未嘗有也宴會之
明日互相通名戲刺一時盈滿筭篋此別祖道百里
不絕其時與會者爭以復社命名列諸牌額武藝茗
雪之間為澤國士大夫家備餘艣懸火皆頗復社一
人用之咸里交相借託幾徧郡邑久之泖湖羣盜多
竊效之官司捕獲當事頗以此為詬病士紳力為禁
戒久而弗止而謗譏興矣

天如雖通籍而無他嗜好惟喜讀書四方賓客有以
奇秘獻者再拜受之盥手持誦如經生寒暑不廢以

為常門人呂雲奚乃進六書音義辨正曰社以尊經
復古為義則凡戾于經變於古者皆當釐而正之矣
太祖高皇帝神明天縱與宋劉諸賢佐參酌古今議
禮制度遠過漢唐宋三代而獨考文不無少遜焉考
中州正韻一書有平上去三聲而無入聲四聲不全
廣韻較沈約韻書稍脩而收羅未盡所以六書字義
尚多可議有志反本者宜詳辨之其畧曰如佛本音
彌詩云佛時仔肩是也二音拂禮記云獻鳥佛其首
謂以翼戾之也又如禪本音檀孟子云唐虞禪是也

自釋教入中國禪始音憺佛作符勿切後人不知禪
學反以禪字正音歸之胡書而以輔弼之佛禪受之
禪為借韻謬矣如無古无字也六書莫先於易无
咎无妄皆无也後人假借用毋用亡代之未有所謂
無也自瞿曇書有南無字而無字始顯然入麻韵非
正音也今人舍无而從無謬矣
如赤古尺字也禽經云鳳上無尋鸛上無常雉上文
鷄上赤上飛而上也鳳之上不能尋倍尋曰常鸛雉
子也上不能常雉上文故計文曰雉左傳曰都城過

百雉是也。鷄上赤言鷄飛王僅能尺也。又漢西岳石
闕銘曰弘農太守常山張勲為西岳華山作西闕高
二丈二赤北齊平等寺碑云銅像一軀高二丈赤二
廣州紀曰蝦蟆頭長四赤皆謂尺也。楊升菴作赤牘清
裁王元美以為無據元美殆未深考耳。由是人皆以
赤為赤白之赤莫知為尺寸之尺矣。
如宿日月星辰之次舍也。以止宿為義。陰符經云天
發殺機移星易宿地發殺機龍蛇起陸古語云知星
宿衣不覆以宿叶陸覆韵可見韵畧乃作秀俗多從

之蓋元人詞曲皆北音入秀字去聲韵至宿州之宿則入徐寧以地近徐州別呼為南徐州北音之謬如此

如亢音剛氐音低腎音訾亦誤爾雅云壽星角亢也列宿之長有高亢之義不音剛天根氐也註云以角亢下繫於氐若木之有根如周禮四圭有邸漢書諸侯王邸之邸不音低西方白虎而腎參為虎首有嘴之義不音訾世俗不考多從韵畧殆誤

如朕訓我也古者凡人皆得稱朕象曰干戈朕琴朕

張朕楚詞云朕皇考曰伯庸可證在字義亦註不聞
聲為朕未嘗若孤寡不穀為人君之號也自嬴修政
汰自尊裁裂文義制曰天子稱朕後世承譌襲訛肆
之至今不知乃屬秦法

如隨旬為切說文云從也從安步也古有隨州楊
堅封於隨後登大位以字義近遁走去從隋以左
以肉裂肉也與剝音近升菴先生曰隋音去隨從而
就怠惰字義舍安步而就裂肉凶終之兆也宣德中
王驥征麓川有土酋三人降驥承制授隴川三宣撫

官復乞賜姓驥曰汝三人怕刀剝來降即分三字為
姓後三苗讀書識字私改怕為怕刀為刁剝為隋又
以裂由為不祥復改為多是隋音徒卧切夷人知之
中國人反訛之見雲南人有呼隋煬帝為剝煬帝者
群笑以為誤不知乃是本音

如塗從余按余有三音一為餘剩之餘一為道途之
途一為賒貫之賒今人姓有余氏音蛇即余之轉註
也惟塗音徒賒入麻字韵東方朔傳曰老柏塗解曰
塗者漸洳徑也今傍海未成田者曰塗是也蜀爾雅

云禹貢厥土惟塗泥夏小正寒日滌凍塗皆音在巴
蛇之間毛詩云今我来思雨雪載塗叶上華字焦氏
易林云雨雪載塗東行破車旅人無家古韵可見今
世俗讀作途

如后古訓君也有君主之義六書莫先於易剝曰先
王以至日閉闕后不省方天子事也書曰后克艱厥
后臣克艱厥臣而言謂君也自大婚禮立后後世遂
以為母后之后莫為主君之后矣

如妃古配字也有判合之義史曰伏羲制嫁娶使男

女妃合以儼皮為禮則妃為配匹也自婚禮制一后
二妃三夫人九嬪二十七世婦八十一御妻後人遂
以妃為妃嬪之妃莫知為配匹之妃矣

如豸音丈爾切爾雅云有足曰虫無足曰豸吳薛宗
謂孫權曰日南男女裸体可謂虫豸五代盧程嘗任
園曰爾何虫豸皆訓虫也異物志曰東北荒中有獸
曰獬豸性忠見人鬪觸不直者聞人論咋不正者侯
思正曰獬豸但能觸邪何嘗識寔今御史冠服獬豸
義取諸此說文乃曰獬廌音丈獬廌反四紙韵廌字下

亦註獬廌獸名是廌與豸義通合獬言豸為獸去獬
言豸為虫今為御史曰冠豸冠服豸繡則為冠虫冠
服虫繡矣

土窪曰凹土高曰凸古之象形字也神異經曰大荒
石湖千里無凹凸平滿無高下畫記曰張僧繇畫一
乘寺壁遠望如凹凸近視則平周伯溫乃云凹當作
坳凸當作垓是以俗字為古字也

古尉字音惠安平之義也理卿曰廷尉者言廷評斷
獄能當其罪無煩辟也隋書李穆進尉斗于楊堅曰

願公執威柄以尉安天下史炤釋文尉斗火斗也所以伸繒皆言平也俗加火作尉音運白傳詩金斗熨波刀剪文陸魯望詩波平尉不如溫廷筠詩天如重熨鉞王君玉詩金斗熨秋江皆從俗字後人見徃代名人習用莫為究古音義矣

翳音牛刀切聲也氣出頭上以品以頁頁頭也今讀作臬非周禮司市曰禁其鬪翳註鬪以力爭翳以口爭月令日在玄翳註在玄之翳尚書序什丁居翳在陳留浚儀秦之教倉也三川為天下市朝故曰教詩

曰譟口翼翼哀鳴嗷嗷漢書翼翼若不足食貨志天
下警警荀子天下教教若焦若燒皆一義也唐詩春
雲生嶺上積雪在翼間梁宣帝七山寺賦神翼岫岫
而特立仙的皎皎以孤臨蓋山之突起者為翼峯之
尖峭者為的皆取形象市之名為翼者市場人衆則
聲翼翼也翼故當從教

如勅俗作入聲註釋從背去聲江陵相侍經筵內官
進諭語 神廟請勅從背居正從旁厲聲曰當作字
案上悚然驚同列皆相顧失色不知內官教讀皆祖

註釋勅字從背乃是本音後人目謂江陵異日驂乘之萌由識別字

古酬作讐詩抑之篇曰無言不讐國策曰蘇厲遺趙王書屬之讐柝後漢杜詩傳不讐其功而厲其用無以勸也皆訓報也今沿為讐數冠讐之讐

敦字俗訓為厚亦非也莊子曰宋人資章甫而達越越人敦髮文身無所用之司馬彪註曰敦新也北都人馬彪人為敦狗祖此今但沿為敦篇之敦

煬字古音從向莊子煬者避炆司馬彪註對火曰煬

淮南子曰富人衣纂錦貧人煬灶口唐人煬婦詩曰
吹火紅唇動揔薪玉腕斜遙看烟裏面一似霧中花
尤為可誣今人作恙人臣有榮或君上者輒曰煬灶
受訛自隋楊廣謚煬始

仰字今與古亦別詩高山仰止論語及其更也人皆
仰之晉書元帝敕王導偕坐御座導辭曰若太陽下
同萬物蒼生如何仰照皆訓尊也今官府行移公文
以上臨下亦皆稱仰似與字義不侔北齊孝昭皇帝
紀詔定三恪禮儀体式亦仰議之北齊時已有此固

知受訛非自近代

虧缺也欠也月滿則虧是也今謂効力宣勞者反曰虧成祖文皇帝謂仁孝后曰媳婦兒好他日我家事虧他撐持

古有鈎字註足也多也韻書作鈎亦作俗訓

鏤古減字註鉄質金文曰鏤西京賦曰金鏤縷錫

璫異質相續也馬融廣成頌曰金鏤玉璫國語曰懷纓挾璫是也世俗作減作廂皆非或亦作鑲

冶字借作野楊子江有梅根冶齊武帝詩昨從樊鄧

役阻潮梅根鉛是也劉文房詩落日蕪湖色空山梅
根鉛皆以治為野

不古地名如城陳蔡不美春秋之華不注史之不周
不耐山海經之不津不庭不其皆是古無丕字不即
丕也詩曰不顯惟德不載不難皆讀作丕

說文勿字州里所達之旗也以聚民事故恩遽者稱
勿勿流俗妄於勿字中斜加一畫為勿失字義矣蔡
義曰勿勿其欲饗之也杜牧之詩曰浮生長勿勿恩
字鮮云多遽忽忽也今好古者但知勿勿而笑忽忽

逐俗者又止知忽忽而恠勿勿

乘傳置傳馳傳輶傳字義各不同漢律四馬高足為置傳四馬中足為馳傳四馬下足為乘傳一馬下足為輶傳互用皆誤

白黑二字義各有別日白曰皤孟子皤皤乎不可尚已月白曰皎詩月出皎兮女子白曰皤詩皤兮皤兮老人白曰皤書謀於黃髮皤皤霜雪白曰皤白頭吟皤皤山上雪草花白曰皤賦芳皤的的以凝霜羽毛白曰霍詩白鳥霍霍玉石白曰瑩說文潔白如瑩

髮之黑曰鬢隋煬帝鎮江州聞王知遠名召見少選
髮鬢俄而白膚之黑曰顰浮丘丈人休素白遇飢歲
而顰灶之黑曰黥列子孔席不暇暖墨突不顰漆之
黑曰黥海忠介公陞應天巡撫吳門相國門故赭命
易黥馬之黑曰驪詩比物四驪駐黑色如鉄曰驪字
各異義通用俱誤

紉音從閑爾雅紉似紉組似組海中荃紉即鹿角菜皆
草也古人象草色以製紉組故曰似漢時法紉草以
作綬仲長統昌言身無半紉之綬是也後人又象之

以作巾故有紫紵巾白紵巾俗名為綸猶之苧小草也人但知為苧刻之苧貌紫草也人但知為藐然之貌蓋染草也人但知為忠蓋之蓋一耳

以物相償曰備北齊高歡立法盜私家十備五盜官物十備三後周詔侵盜倉庫雖經赦免徵備如法今乃作賠

如茲本籍席之名也諸侯疾曰負茲左傳衛康叔布茲荀子曰龍茲註皆訓席今以之代此代斯莫知為席

又有形体近似而音義迥別者如台湯來反星也羊
支反我也寘徒賢反塞也寘支跂反置也諂天牢反
疑也諂丑冉反媚也諂天牢反水也滑胡感反深也
睢七余反鳥也睢息唯反姓也魯打反寒也冷力
丁反水名也桶他孔反器也桶古岳反椽也凍都美
反水凍也凍得紅反暴雨也椽七弓反木名椽七江
反擊鐘也貽之與反遺也貽丑吏反視也莧候辨反
菜名覓古典反竹通水也絮思據反綿絮也絮抽遽
反調絮也歎苦甘反能言也歎去其反屈也敗蒲拜

反亂也敗武巾反知也柱直綫反梁柱也柱之與反
挂也髮丁感反髮垂貌髡苦昆反去髮也管古顏反
管茅也管公短反人姓也𠵽慈治反罵詈也𠵽慈呂
反咀嚼也淫息遺反小雨也漆奴罪反穢濁也挺他
鼎反挺持也挺拭然反取也因得力反動也因以由
反拘禁也甲古押反兵甲也甲汝洽反取物也擗洛
戈反理也擗力蔡反食器也汙朝幹反身液也汙七
賢反水名盱五昂反直也脛胡定反足脛也販方萬
反賣買也販普班反目白也他如莽之與莽謚之與

謚濞之與滌佳之與佳歐歐毳毳毳毳毳毳
榮榮之異用芊芊芊芊析析折折羸羸羸羸辨辨
辨之分屬皆當明辨若夫韻書廣韻所遺漏者盧景
弘謂委蛇字有十二變楊升菴謂豈字有十四音皆
未經闡發至於五方方言並多俗字如靡莫瘼書桂
林虞衡所載文以意造雖多象形而義不雅馴非其
耳目未廣實乃裁削過甚茲有音義並優為名賢習
用者

吳中有囡字小兒皆呼小囡有囡字女兒皆呼囡兒

竊意圀音近南當是男字之譌圀音近娜當是娜字
之譌然非始自今也宋紹聖元年十月米襄陽露筋
廟碑贊曰王化煥猗盛江漢叔季煽猗人倫亂一德
彥猗昭世典情莫轉猗天質善楚澤緬猗雲木偃偉
斯圀猗日星建圀字宋時已有之

欲音劇子虛賦傲欲受誅一作𤑔別作𤑔又作倮音
義並同晉人為極頤和謂王導導小極對之疲睡商
芸小說曰明帝問沐啓云沐伏久勞極不審尊休如
何帝答曰去垢甚佳身不極也范成大帥靜江時有

井字東敢友以石投井聲謂之井

𦨇字音磬註一足行也左傳苑子荆林雍斲其足𦨇而乘於他車以歸梅聖俞詩云竹存帝女啼變學林雍𦨇𦨇字周時已有之

五季時又有擎字以手捺制人也亦音磬齊主蕭道成人有罪輒付勇士桓康擎殺之時人語曰莫鞠張付桓康

頌字音窟入聲俗人謂勤職者曰頌頌能言盡瘁也
𦨇文曰其形頌瘦梁武帝時已有之

因字音蛙上聲小初兒生墮地啼時其音因然敗第一聲之義也今禪家語錄習尚之

忒字音態上聲西北人豐軀偉幹謂之忒子俗作忒忒字音烘北人以大木丈餘平其兩端中鑿數十孔衆手舉以實土曰忒增一人不為多去一人不為少今世俗譏強相附和者曰忒義取諸此

己上數字象形會意諧聲指事假借轉注俱脩前古名人用之音義亦通說文韵書並宜收入

天如素博覽能罄二酉之藏及得辨正讀之見所未

卷一

曾稱為呂氏奇書時雲孚赴童試天如言之熊魚山
取冠多士又刻之學使者以儒士入闈欲其蚤發嗣
後天如凡有制作悉遵古体書法以故舉要錄評語
用朕字葬親旌銘元配太夫人陸氏書元妃皆雲孚
是書使之也然泥古而失忌諱頗掛清議